

東
豐
縣
志

癸酉九月
瀛杰署

K2731

T 4

1



K2731
T4
1

東豐縣志叙

粵稽東豐之設治始於光緒二十九年有清封禁鞠爲圜塲禽獸蕃息人民鮮少不啻一洪荒榛莽時代也自設治伊來草薶禽獮墾疇藝菽庶政草創日不暇給而縣志之編纂尤屬未遑顧及歷任令長竊引爲憾雖謝馬兩君任內倡議興修格於人事卒鮮成就民國十七年省令各縣修志邢令子文遂聘邑人李君耘吾艾君蔭滋開館編修書成未及付鋟而邢令調任他去洎民國十八年一月余由開通奉檄來長斯邑撫字之暇擷閱志稿見其體例雖尙完備而事蹟猶嫌簡略遂慨然以續修爲己任迺召集地方人士計議成立縣志調查委員會從事調查旁諮博採集腋爲裘閱年餘而材粗備因於二十年六月開始編修復委李艾兩君董其事所以仍舊貫資輕熟也是年八月而書完成余於是作色而歎曰縣志之爲用復乎遠已蓋一縣政事至爲頤繁而百端措施尤難盡當苟欲佈政施教胥恆輿情端

賴援昔揆今有所殷鑑然後興革得所資損益獲其衡何也縣之有志所以述政教志風謠
攷方物紀地勢一縣之文獻繫焉今昔之得失存焉使從政者坐斗室手一編作爲施行政
令之根據覃敷文教之津梁則其一興革一損益必能鑑失而爲得泛應而曲當有不政行
而教修民淳而俗化者乎此振古地志之與國史所以並重而不倚也斯志之成雖時間惚
遽挂漏寔繁然以視初修時其加詳不止倍蓰計也他日廢修者持此爲之藍本是亦大輅
之椎輪秦岱之拳石焉即後之初官斯土者敷教施政亦獲有所鑑鏡而不致擿埴索途也
亦云不無小補矣付梓伊始因述其巔末弁之編首焉署東豐縣縣長吉林雙城王瀛傑冠

五甫叙民國二十年十月 日



東豐縣長王瀛傑



耦 李 纂 編 總




昌 紹 艾 查 調 總

東豐縣志委員會全體職員攝影
大同元年四月十二日



米豐縣全圖



例圖

中分分村村縣河山電鄉縣鐵村區縣省
 話
 隊所局屯所城流脈線道道通界界界界



吉林

磐石

縣

海

縣

龍


豐

縣

至梅河

縣

東豐縣城街市全圖



城壕
鐵路
池沼
廟宇
炮台
石碑














1. 縣署
2. 法院
3. 警務局
4. 大隊部
5. 財政局
6. 電話局
7. 一分局
8. 省立第五師範
9. 縣立五校
10. 稅捐局
11. 看守所
12. 日領館
13. 教養工廠
14. 騎一中隊
15. 縣立一校
16. 教育局
17. 農會
18. 一區公所
19. 郵政局
20. 官銀號
21. 電報局
22. 縣立五校
23. 縣立六校
24. 商會
25. 砲中隊
26. 縣立三校
27. 二區
28. 四平中學

車站

營大南

東豐縣公署全圖

比例尺



東豐縣志序

我國古昔職方列於周官地志詳於班史掌故舊聞賴簡篇以不墜開疆拓地貴文獻之有徵是縣之有志何莫非其遺意歟遼寧省之東北有東豐縣者在昔分屬於扈倫輝發兩部嗣後滿清所有以其地長林豐草羣獸攸歸遂置圍場爲會獵之所至光緒二十九年始開闢設治歷任邑長復慘澹經營方有今日然而縣志未修以視他邑未免遜色民國十七年

縣令邢公子文孜孜以修志爲急務

紹昌

材幹識謗竟蒙聘爲縣志調查主任與李君耘吾

共事編纂六閱月而脫稿迨王公冠五來守斯土以時會變遷記載簡略且體例諸多不合急應賡續重修用光志乘迺於民國十九年春召集行政會議提議重修縣志通籌全局經衆可決組織縣志委員會以速進行期底於成

紹昌

復蒙聘爲主任委員責任綦重覆餗堪虞不得不勉爲其難幸賴邑紳勛助俾得埋頭案牘翻閱卷檔昕夕編纂匝年而成書惟此

書倉卒付梓闕略實所難免仍待宏達君子復加蒐輯匡厥不逮是所深幸也因述緣起以

爲序

中華民國二十年八月東豐縣志委員會主任委員艾蔭滋紹昌撰

東豐縣志序

夫縣之有志猶國之猶史所以稽往古徵來今攷得失昭鑑誠也故入關鄴侯首收秦籍諳戶口之多寡知山河之險夷楚殄漢興殆判於此志之爲用關係重已昔周禮外史掌四方邦物之志班固漢書垂五行郡國之篇志之權輿此爲嚆矢降及有清着者如林若洪稚圭淳化之志李中耆鳳臺之志孫淵如之志三水陸稼書之志靈壽爲志乘之大成標文義之雙美後之作者咸取則焉東豐自有清光緒二十九年設治迄今將三十年敷教施政日不暇給對於志書未遑顧及縣人士居嘗以爲憾焉民國四年秋熱河謝仲魯來守斯鄉曾延聘北平長元度太史經始創修比書成而謝公調任他往書未鋟梓槁遂散佚泊民國十二年縣令馬公續波復聘任鏡宇編纂開館未久而任君因事他去事又擱置經營兩次卒無一成凡事創始其惟難哉民國十六年春省府通令各縣編撰志書冀以攷物問俗之作用

爲佈教行政之資當務之急殆莫此若時之縣事者爲吉林邢子文當即召集地方人士計議從事編輯耦時任中學國文教席荷縣中士紳推荐擔任編輯事宜旋格於款未能實行泊十七年三月耦丁先嚴之喪歸自瀋水讀禮家居邢公復以總編纂相委夫修志之難雖才識兼懋之碩儒其猶病諸末學膚受如耦者烏足膺此重寄數辭不獲難設將事遂於四年五月成立編輯館復由縣聘艾蔭滋君擔任調查採訪事宜耦則顯任編輯罄竭棉薄夙夜弗敢懈越六閱月而書粗成

正擬付印而邢公卸任他去稿存縣府不果印行迨民國二十年五月縣長王公冠五閱覽志稿慨然歎歷次中輟而思欲觀其成也迺復召耦計議囑將自十七年以後之事蹟補入讀修並將經手調查之材料用作採擇于時耦方任苗圃主任及中學教職事務鞅掌若無暇晷乃於公餘課暇把管卒成之歷三月而事咸鐙昏午夜穎禿終朝對於職責雖告無媿

然其中事實之挂漏文義之糾繆自審難免見諒於作者之林顧其困難有難言者他縣修志率有成書潤飾損益易於着手此書則體例規模草創獨造才識謏陋難臻完善此其一也發函探詢囑託諄諄而當事者視爲具文催促稍厲舍難趨易敷衍塞責語焉不詳無所取材此其二也縣中卷檔足資稽攷而民八以前盡付焚如遇有闕疑無憑稽攷專持訪詢未必足徵此其三也有茲數難欲斬其精揆諸情勢不亦難乎雖然大略成於椎輪長江發乎濫觴繼長增高端資來人所望他年賡修者踵事增華補苴罅漏俾此書規無不備事皆足徵則持此爲之先河亦未嘗不無小補也中華民國二十年八月李耦耘吾叙

例言

一 本志體例泰半依據 省頒修志節目撮要並參酌遼陽新民各縣志書計分地理政治人事人物四志縣中一切事蹟歸納已無遺漏

一 本志共分四編第一編志地理第二編志政治第三編志人事第四編志人物並將縣大事年表附於末編每編釐爲一冊都四冊合爲一函

一 經緯寒暑風向畧刻本屬天文只因項目殊少不便另列爲編故併入地理志焉

一 縣中各衙署局所其建置之沿革皆與該項政事有關故附述於各政事之後如縣署附於行政警學各局附於公安教育是也不另列建置志焉

一 縣設治較晚文風不振學者着述罕若鱗角間有詩文未登大雅濫予採錄貽笑士林故藝文一門暫付闕如後有佳作續修補入

一 縣大事年表所列各事祇就素所知曉及採訪所得者其他探詢不及竟行挂漏者續修再補入之

一 縣境田畝自設治丈放以及歷次清丈情形縣中無檔可攷因單設專局辦理故也諮詢多人率皆語焉不詳難資紀述他日能調查詳備當另設田畝一門以紀之

一 編纂志乘尤重圖表蓋筆所不及圖可索驥故也然縣人精曉測繪者甚鮮延聘專員時既不與款更支絀因而縣圖並未實地測量按縮尺方法繪造僅仿舊圖詳加改正縱欠精確庶無大繆

一 縣中歷次辦理省公債全縣債額若干募擔方法若何皆無可攷倘將來調查詳實則續修時附述於財政門內

一 本書人物志中不列寓賢以名實難副且又無多故也間有服官斯土者卸任後購宅

卜居歷有年所無殊土着遂列入荐紳焉

一 他縣志乘對於有清時登科第者率列於選舉志內然明經以下不與焉縣開闢較晚概乏此材即有廩附各生亦皆徒自他縣者與其闕而不錄何若降格以求故凡前清廩附諸人皆列於荐紳內選舉門則僅錄國省兩會代議士而已

一 凡在國內外大學及專科以上各校卒業學生其人尙存是非未能論定似不應列入人物志中然縣本荒僻人才闕乏畢業大學已出頭地故不避濫皆列諸荐紳所以宏獎掖昭勸誘也其未卒業者不錄

一 縣設治年淺事蹟簡略似乎容易紀述第因縣中舊卷泰半散佚每有疑難無處攷證全憑諮詢未盡足微諸有漏繆俟續修損益而改正之

一 本志自民國十七年五月開館創修以迄告成僅六閱月二十年五月賡修僅歷三個

月其間挂漏知所難免且縣撰胥出_{不才}一人之手學識膚淺文義拙陋本不敢列於作

者之林尙望 先進明達有以教之幸甚民國二十年八月總編纂李 耦耘吾謹識

東豐縣志卷一目錄

地理志

經緯度

氣候 附表

風向

晷刻

邊界

幅幘

土質

地勢

沿革

山脈

河流

城池

鎮市

道路

附橋梁

勝蹟

附詩

物產

東豐縣志卷二目錄

政治志

行政 附表

司法 附登記處 看守所 教養工廠

公安 附表

保甲 附表

教育 附表 教育會 省立第五師範 圖書館 報社 民衆體育場

財政 附財政監察委員會

稅捐 附貨幣

鄉團

清鄉

禁烟

鐵路

郵政
附表

電話
附圖

電報

電燈

區村
附表

選舉
附自治

外僑
附表

兵事

東豐縣志卷三目錄

人事志

民族 附語言

人口 附表

農業 附表 農事試驗場

商業 附表 度量衡

工業

林業 附苗圃

醫業

風俗

宗教

祀 禮 附廟宇

東豐縣志卷四目錄

人物志

先 烈

耆 舊

忠 勇

烈 婦

節 婦

孝 子

循 吏

義舉

鄉宦

荐紳

縣大事年表

修志人姓名表

東豐縣志卷一目錄

地理志

經緯度

氣候 附表

風向

晷刻

邊界

幅幘

土質

地勢

沿革

山脈

河流

城池

鎮市

道路

附橋梁

勝蹟

附詩 公園

物產

東豐縣志卷壹

地理志

經緯度

縣境方位東至東經九度四十二分二十八秒西至東經八度四十五分三十秒南至北緯四十二度二十五分五十秒北至北緯四十三度二十六分三十八秒

右以北平天文台零度起算

氣候

縣境處北溫北寒兩帶之間四時氣候各有不同要而論之一年之中冬最嚴寒而夏鮮盛暑一日之內晝每溫暖而夜輒冷涼蓋純屬大陸氣候也春季三月雪始止降冰始全融秋季八月即降霜霜間有是月下澣即降雪者十月初旬則堅冰在地矣夏季伏中天始炎熱

而最熱時期則在末伏後十數日過此則午暖而昕夕涼矣據實地測驗結果夏季最熱在攝氏表八十一度冬季最寒在攝氏表零下二十八度茲按二十四節氣其寒溫度數列表如左

縣境二十四節寒溫度數表

清明	驚蟄	立春	節名	晝	夜	節名	晝	夜
18.5°	— 2°	— 18°						
16.5°	— 4°	— 20°						
穀雨	春分	雨水	節名	晝	夜	節名	晝	夜
28°	10°	— 9°						
26°	8°	— 11°						

寒 露	白 露	立 秋	小 暑	芒 種	立 夏
34.5°	52°	70°	73°	55°	37°
32.5°	50°	68°	71°	53°	35°
霜 降	秋 分	處 暑	大 暑	夏 至	小 滿
25°	45°	63°	81°	63.5°	45°
23°	43°	61°	79°	61.5°	43°

以上寒溫度數係按攝氏表計算

風向

縣境風向雖四季各有變遷然春夏兩季多東南風及南風秋冬兩季多西北風及北風其大較也東南風及南風率多溫暖以其來自海洋故也西北風及北風率多寒冷以其來自大陸故也至若風勢東南風及南風皆徐緩西北風及北風皆猛烈蓋縣境無高山叢林每

立冬

18°

16°

小雪

8°

6°

大雪

-1°

-3°

冬至

-10°

-12°

小寒

-19.5°

-21.5°

大寒

-28°

-30°

值西北風及北風起颯發奔騰而無以遮遏其勢故怒號捲雪氣候特寒也但尙不致爲人畜田廬災害耳

晷刻

縣境日出入晷刻四時各有不同茲按夏至冬至兩節氣實地測驗結果夏至日出午前四時二十一分日入午後七時三十四分晝長十五時五十五分夜長八時五十分冬至日出午前七時二十一分日入午後四時二十八分晝長九時七分夜長十五時五十三分

邊界

縣境處遼寧全省之東北隅居東三省之中部而偏於東除民國十六年將灣龍溝小柳河兩地割屬海龍縣後至今疆土並無變更茲將其四周邊界分述如左東以第八區之老虎溝樺樹河及第七區之大柳河與海龍縣接壤東南以第二區之沙河口南以第三區之影

壁山雙龍山均與海龍縣毘連西南以第五區之老荒營與清原縣毘連西以第五區之橫道河四平街及第六區之楊木林界西豐縣境西北以第六區之楊木林拉拉河第七區之繞盈河第七區之大柳河第八區之鱉樹河黃泥河第九區之大沙河及第十區之那丹伯界西安縣境北以第十區之葦子溝與吉林省之伊通縣爲隣東北以第十區之那丹伯及第九區之大沙河與吉林省之磐石縣爲隣此縣境之四界也

幅 幘

縣境幅幘南北最長一百九十里最短四十里東西最寬一百十里最狹二十五里全境面積約一萬三千零六十四方里有奇

土 質

縣境土質沿河平地率爲沖積層厥色黃岡坡山地率爲腐植土厥色黑皆宜於樹藝五穀

焉然年來墾殖既久地力漸薄所有平地非用肥料不能種植惟有山地尤爲可慮蓋山地腐土之厚不足尺許以下則爲石礫在開墾之初不加肥料即能生長近因歷年太久經暴洪之沖刷烈雨之剝蝕遂致腐土日薄砂礫漸露生產能力逐年縮減而居民又不知種樹施肥以資補救民生前途至爲可慮云

地勢

縣境地勢大率西南高而東北低蓋庫魯納窩集山自西南入境縱貫於縣之西部（即俗稱分水嶺也爲縣境與西豐西安分界處）有高屋建瓴之勢是以地因之有東西圍之名水因之有東西流之稱也所有縣境山水率由此嶺分支發源向東流行起伏縈細徧諸全境然山皆岡陵上鮮樹石水半紆緩利饒灌溉除平原廣野宜於耕植外即昔之山頂河塘至今亦概行墾殖其收穫數量視彼平地曾不稍遜故縣境縱非商務之通衢實乃農業之

隩域也夫縣境既多山嶺陸路交通在昔久稱漾阻今則瀋海鐵路之梅西支路斜貫縣境商旅往來貨物運輸都臻便利近來吉海鐵路又行告成則縣境西通遼瀋而達魯燕東通海輝而達吉黑商賈雲集交通日便誠遼寧腹地之嚴邑也至若對於軍事雖無險關要隘足資防守然倘有變亂則循分水嶺而成以重兵焉是亦西流諸地之屏藩也未容以邊荒而忽視之焉

沿革

從來地域之沿革恆隨朝代而變遷故舜有四海劃宇內爲一十二州秦併六邦分天下爲三十六郡漢建郡國宋置軍州元乃稱路明始名省朝代既更地域斯變焉縣境居三省之中部處遼寧之北邊山嶺錯糾草禽蕃息非第有清園場時無居人即明宋唐漢以前亦率附庸於各部國而乏土著之民焉今則設治不過愈餘年阡陌縱橫人烟駢集於是草木棘

荒之區變爲文物開啓之域由此前進雖與內地先進各縣比隆可也茲將縣境自上古以迄近今其間疆土皆隸屬於何部何國著之於篇所以詳今而略古者祇期實用弗矜攷據云爾

縣境在姬周時爲肅慎氏地攷史周武王十有四年肅慎貢楛矢肅慎東北夷也今遼寧東北吉林東南皆其屬地也是縣境之有居民始於有周以前矣漢爲挹婁國地攷漢書東北夷傳挹婁古肅慎國也在夫餘東北千餘里按夫餘在今開原迤北挹婁在其東北千餘里是縣境及海龍等地皆當屬挹婁也曹魏時爲北沃沮地攷通典魏母丘儉討高句麗其王奔北沃沮按北沃沮當在今長白山右松花江流域一帶地近來通化發見殘碑迺儉所立也又按縣境沙河東流入輝北江江即松花江源之一也是縣境在魏當屬北沃沮南北朝時爲勿吉國地攷魏書勿吉即沃沮在高句麗北舊肅慎國地境內有大水名速末有大山

名徒太按速末水即今松花江徒太山即今長白山是縣境在南北朝當爲勿吉國地也隋唐屬靺鞨及渤海國攷北史勿吉一曰靺鞨蓋轉音也攷唐史渤海國爲靺鞨人大祚榮所建五代時爲遼所滅是縣境在隋唐爲靺鞨及渤海兩國地也五代及宋時爲生女真地按遼即契丹其屬地有女真部者（即金清兩朝之先祖滿人亦稱珠申族是女真珠申及金皆肅慎之轉音讀有緩急故不同耳）分生熟兩部皆靺鞨之苗裔生女真居今松花江流域是縣境在五代及宋當屬生女真地也遼爲咸平府地金屬韓州府地攷金臣王寂行部錄云由東而西先抵韓州次抵分水嶺最後宿咸平府按韓州府即今海龍縣城咸平府即今開原之中固鎮遼置韓州東平軍隸北女真金因之旋改爲散州屬咸平府金天會三年遣宋二帝自黃龍府次韓州經年再抵五國城由開原往五國城海龍爲行南道必經之路縣境距海龍不過五六十里是金爲韓州府地無疑也又縣境黃泥河曾發見古銅器形如

鐸上鐫韓州司獄監製由此可知縣境確爲金之韓州也明末屬輝發部清初屬建州輝發部即今輝南縣地境內有輝北城廢堞頽隍至今猶存即其國都也據乾隆十九年東巡路過英莪門詩註云太祖既定都瀋陽遂留東流爲圍塲以爲八旗子弟講藝習射之地從前縣境及海龍均屬於輝發部及太祖滅輝發遂屬於建州焉按圍塲向東西兩部在今分水嶺以西者稱西圍即今西豐西安兩縣地縣境在分水嶺東故稱東圍設總管於海龍以總司圍務焉復在縣境周遭分設十二邊台台置戍兵司察禁人民入圍採獵今縣境之那丹伯台梅河台等地皆其遺址尙可辨識餘則并其地址名稱亦無人能指點稱說者矣迨光緒二十四年俄人租借金州金州居民無地安置此時西圍業已開放設治言官遂援例奏請開放東圍以安置金州人民及拳匪之亂遼寧軍餉支絀總督曾祺以金州旣已收復因奏請派員丈放任民價領以地價接濟軍餉因於光緒二十九年設治曰東平縣焉民國成

立改從前府州統稱爲縣因與魯之東平相重遂改名東豐及民國十五年設清原縣於開原之八家鎮割海龍縣之一部屬之海龍以境土削小迺請省府將縣屬之灣龍溝及沙河口之一部隸屬海龍遂於十六年實行割讓焉至今疆土並無變動此縣境疆域古今沿革之大凡也

山脈

考縣境山嶺大勢自西南而東北起伏宛延縱貫於縣境西鄙總稱分水嶺爲東西圍分界處亦即東西流水之所由分也凡縣境諸山率由此嶺分支東行有如梳齒焉其脈起於庫魯納窩集山自縣境西南五區老荒營入境庫魯納窩集山者長白山脈龍岡之分支也自新賓東北綿延北行擁簇於清原東北及縣境西南分水嶺即由此分脈北行故庫魯納窩集山者非第爲分水嶺之祖脈亦即縣境諸山之祖脈也茲分述之

分水嶺 由清原東北之庫魯納窩集山起脈在縣境西南百十里之五區老荒營入境北行曰大央阿山即巴彥頂子（俗稱白銀頂子海龍白銀河發源處也白銀即巴彥之轉音）高聳十餘里北行入五區橫道河境曰大林子頭山曰掠棒嶺起伏十許里轉向北行入五區四平街境曰金石藍山曰古年嶺盤旋二十餘里均屬縣境與西豐分界之山又北行入六區楊木林境曰雙頂子山曰快黨圍山曰一座營山折向正東行三十里入六區拉拉河境曰青頂子山又東北行三十五里入七區繞盈河境曰鋼叉廟山又行三十餘里入七區大柳河境曰金鳳嶺糾錯起伏至縣城北三十五里漸向東北擁簇約三十餘里經七區大柳河八區樺樹河分界處曰轉心壺山曰石頭廟嶺東北行三十餘里入八區黃泥河境曰楊木頂山北行入九區大沙河境曰半拉城山轉向西北行二十餘里曰寒葱頂子山（山上生葱經雪彌茂見物產志）東行簇爲高峰曰大寒葱頂子山此乃分水嶺之正脈也

由大寒葱頂子山北行入吉林省界綿延斷續直落脈於松花江岸其支脈由大寒葱頂西行入十區那丹伯境復向西北行四十餘里曰南太平嶺分支北行入十區葦子溝境向西北盤旋二十許里曰孤山爲縣境與吉林省之伊通縣分界處

庫魯納窩集山 在縣境西南一百十里五區老荒營與清原分界處爲縣境諸山之祖脈龍岡之分支也

大央阿山 在縣城西南百里五區老荒營境東行四十餘里而止南麓爲海龍白銀河發源處向南落脈於老荒營境內者曰孤砬子山曰二龍山向北落脈於橫道河境內者曰馬蹄背山曰高梁子山曰五陞背山

大林子頭山 在縣城西南百里五區橫道河境向東南行二十五里曰龍頭山

掠棒嶺 在縣城西南百里五區橫道河境東支曰柞木岡曰琵琶嘴子山西支入西豐縣

界

金石藍山 在縣城西南九十里五區四平街境一支向東行爲橫道河四平街分界之山
曰啞叭嶺行十餘里入橫道河境曰秫秸塚山高聳特立昔爲胡匪之淵藪焉一支向南行
在橫道河境內者曰仙人堂山(又名胡仙堂)曰紅土崖一支向北行在四平街境內者曰
鬧林子山曰七星背山曰東西太陽頂子山雙峰對峙林木蒼鬱昔爲清室養鹿官山今歸
趙姓私有又一支東行二十餘里入三區雙龍山境曰轉砬子山曰瓦房頂子山曰雙龍山
在縣城南七十五里爲雙龍山影壁山分界之山也向南落脈於雙龍山境內者曰臥牛山
曰城子山曰箭頭山向北落脈於影壁山境內者曰影壁山東行曰官道嶺出境入海龍縣
界

古年嶺

在縣城西南九十里五區四平街境東南山麓曰梨樹溝產有煤礦光緒三十二

年開採旋因鑛苗不旺停辦一支東行二十餘里在四平街楊木林分界處者曰黃砬腰子山落脈於南者曰一面山落脈於北者曰油瓶頂子山曰母鹿梁子山均在六區楊木林境又一支東行曰大荒頂子山在縣城西南五十里楊木林境爲拉拉河楊木林秀水河大陽巖交界處由此歧分三支一支向東行入四區秀水河境曰橫浪頭山（一名紅郎頭）曰瞭高頂子山直至縣城南駐脈曰仙人堂山及南照山一支向東南行經二區小城子三區影壁山分界處曰白石砬子南由梅河底過脈於南岸突起石峰平圓孤聳曰大孤山由白石砬子東行曰禿老頂子山向北落脈於二區小城子境內者曰楊木背山及六道五道三道二道頭道等岡折向東北行入二區沙河口岸曰螞蟻頂子山曰土頂子山東行出境入海龍縣界

雙頂子山 在縣城西九十里六區楊木林境東麓曰鞍子山西麓入西安縣界

快黨圍山 在縣城西九十里六區楊木林境東麓曰韓家岡西麓入西安縣界

一座營山 在縣城西九十里六區楊木林境

青頂子山 在縣城西六十里六區楊木林拉拉河分界處落脈於楊木林境內者曰二龍

山落脈於拉拉河境內者曰猴石山山巔孤石挺立儼如猴形山之南麓猴石鎮在焉東北

行十五里折向東南入六區拉拉河境曰雙榆樹山又東行五里爲拉拉河繞盈河分界處

東南行曰馬屁股山直至縣城西五里落脈爲縣城西抱山八景中之西崖積雪即其處也

鋼叉廟山 在縣城西北四十里七區繞盈河境瀋海鐵路之梅西支路即由大興鎮站西

北行直穿此山北麓而入西安縣界

金鳳嶺 在縣城西北三十五里七區大柳河境東南行落脈於縣城北五里許曰黑瞎子

岡爲縣城後座山繚繞城東直至縣城東南五里駐脈曰青龍山八景中之龍山紅葉即此

山也爲縣城東抱山山之西麓梅西支路東豐車站在焉

轉心壺山，在縣城東北四十五里七區大柳河境一支向南落脈者曰二龍山一支向東南落脈者曰羅圈背山曰萬壽山曰龍頭山均在縣城東北二十里七區大柳河境又一支向東南行在大柳河灣龍溝（今已割屬海龍縣）樺樹河分界處者曰槐條背山曰大頂子山由此分爲三支一支向南行曰太平嶺即樓脖子岡在縣城東三十里昔爲大柳河灣龍溝分界之山今則爲縣境與海龍分界處南行落脈於二區小城子境內者曰釣魚台山在縣城東南十餘里此山北距青龍山僅五里並不同脈今梅西支路橫斷此山而過也南行落脈於二區沙河口境內者曰狷獠岡爲大柳河沙河口分界處東南行落脈於沙河口簇爲高峯曰五魁頂子山五峯排立居中特高梅西支路即由山南麓分歧一赴海龍一入縣境一支向東南行入舊屬灣龍溝境曰半拉頂子山曰樓子山東行至海龍縣城北落脈曰

九龍口山一支向正東行爲八區樺樹河與舊屬灣龍溝分界之山入小柳河境內者曰古
年墳曰石嘴子山入樺樹河境內者曰長青嶺東行三十里至大沙河沿駐脈河東屬海龍
縣界

石頭廟山 在縣城東北五十里八區樺樹河境東南行曰勃勃葉頂山入八區黃泥河境
內者曰周全大溝山東至大沙河沿駐脈在樺樹河境內者曰老虎頂子山落脈於黃泥河
境內者曰後老虎頂子山

楊木頂子山 在縣城北七十里八區黃泥河境東行八里許曰台頭山(俗名王八坑)又
東行二十餘里落脈於大沙河沿爲黃泥河大沙河分界之山

半拉城山 在縣城東北八十里九區大沙河境東麓有古城廢址未詳建於何代

寒葱頂子山 在縣城北百里爲九區大沙河與十區那丹伯分界之山山上生葱經寒彌

茂用西麓燈杆河水洗之久藏如新（見物產志）

大寒葱頂子山 在縣城北百里九區大沙河十區那丹伯之間東麓曰石碑嶺爲大沙河
那丹伯與吉林之伊通磐石兩縣分界處向東南分支入大沙河境內者曰白旗廟嶺曰紅
旗廟嶺東行落脈於大沙河沿者曰瞎爬子山向北分支入那丹伯境內者曰十八道岡子
南太平嶺 在縣城北百四十里爲十區之那丹伯與葦子溝分界處東行入那丹伯境內
者曰鹿圈山向北盤旋出境入吉林伊通縣界

孤山 在縣城北百六十里十區葦子溝境自孤山台右出境入吉林伊通縣界

河流

縣境河流因分水嶺山脈縱亘於縣之西境地勢高亢勢成斜坡故全境河流率發源於分
水嶺東麓向東奔注是以有東流水之稱也北境最大水曰大沙河南境最大水曰梅河中

部最大水曰沙河皆匯諸水而東注於輝北江焉然水勢率皆緩淺無急流激湍故雖乏舟楫之便而實饒灌溉之功倘能因勢利導講求水利則安見水田之利遠不如他縣乎茲將縣境諸水分述如左

孤山河 在縣城北一百七十里十區葦子溝境發源於南太平嶺北流二十餘里經孤山台出境入吉林伊通縣境

伊通河 在縣城北百里十區那丹伯境發源於寒葱頂子山北麓西北流三十里經那丹伯鎮東河東爲吉林伊通之營城鎮與那丹伯隔河相對又北流十餘里經那丹伯台出境入伊通縣界

大沙河 在縣城北九十里九區大沙河境有東西兩源西源出寒葱頂子山東南麓南流十五里折向東南又二十五里注於東源東源出石碑嶺南麓爲縣境與吉林分界處東南

流五里折向正南約三十里爲縣境與海龍分界處匯西源之水合而爲一南流十五里西受黃泥河水經八區黃泥河境東南流二十五里西受樺樹河水又南流二十餘里入海龍縣境

黃泥河 在縣城北六十里八區黃泥河境發源於楊木頂山南麓東流五里許經永興鎮北又東南流三十里匯周全大溝水經太平鎮南又東流五里許入於大沙河

樺樹河 在縣城北四十里八區樺樹河境發源於石頭廟岡東麓東南流三十五里經勃勒葉頂子山南折向東流又十五里入於大沙河

柳樹河 在縣城北二十里七區大柳河境源有二一出金鳳嶺東南麓在縣城北三十五里一出轉心壺山南麓在縣城東北四十里南流二十里至二龍山前合流爲一又南流二十里折向西南至青龍山釣魚台山之間匯流於沙河

繞盈河 在縣城西北三十里七區繞盈河境發源於鋼叉廟山東南麓東流五里經大興鎮南折向東南流三十五里經縣城北娘娘廟前受東北萬龍河水折向南流經縣城西郭外南流經大西門至縣城西南隅匯流於沙河

沙河 又稱吉爾撒河曾於河之上流得石鐮曰泥沙河云源出於六區楊木林之快黨圍山東麓曰沙河掌者在縣城西八十五里東流四十五里經猴石鎮南西北受高家蹕子閭家蹕子等水向東流十五里受西北拉拉河水又東流二十五里經縣城西南隅受北來繞盈河水沿南照山北麓東流至照山東麓受東北半截河水折向南流五里許至青龍山鈞魚台山之間受東北柳樹河水復宛延南流至二區小城子東西受秀水河水轉向東流約三十五里經二區沙河之五魁頂子山南水勢漸大東流入海龍縣界注於輝北江縣境最大水也產鯽鮎白魚焉

拉拉河 在縣城西三十五里六區拉拉河境源出於青頂子山東麓東南流二十里至猴石鎮東十五里匯流於沙河

秀水河 在縣城西南三十里四區秀水河境發源於油瓶頂子山東麓東流十許里繞紅郎頭山北流五里折向東流經仙人堂山南東流至二區小城子東匯流於沙河

梅河 又稱梅黑河在縣城西南九十里五區四平街境發源於金石藍山東麓東南流三十里經一面山南入四區大陽歲境又東南流二十五里受西北紙碾溝水又東流五里受大陽歲後溝水東流經三區影壁山境又東流二十里經梅河台北出境入海龍界

橫道河 在縣城西南九十里五區橫道河境源有二一出大央阿山北麓一出大林子頭山北麓東流二十里至龍頭山南合流又東流十五里經三區雙龍山西境東南流五里出境入海龍縣界

白銀河 在縣城西南百里五區老荒營境源出大央阿山南麓東南流二十里至太平溝受西來小樺樹河水又東南流十里出境入海龍縣界

城池

王侯設險以守其國建置城池自古不廢蓋在古昔戰陳之器不過弓矢刀戟厚墉深池誠足以防敵而固守若在飛潛發明槍礮精良之時以言防守又烏足恃乎故近來通都大邑因商民之駢闐感交通之阻塞競以拆毀城池爲倡時會使之然也然處邊塞荒陬盜匪強梁之際而欲禦盜賊以安市廛則高城深池亦未容謂其毫無功用者是有未可盡廢故著之於篇

舊土城 舊土城之建築在前清光緒三十三年形似正方南北長一百六十三丈東西寬一百四十一丈面積二萬二千九百八十三方丈城高兩丈池深如之每方各關一門共四

門無甕城城牆用土築之門用木石蓋設治之初粗具規模而已後商民繁多以城內狹隘迺於城外東南兩面築屋成廛而居民復零星散處多在城外於是舊城因之遂廢至民國七年縣令王鏡寰任內始折城填池城基任民價領焉

新土城 民國十一年冬悍匪仁義軍轉掠東流各縣縣境各鄉鎮泰半爲所掠據城內官兵苦拒守之無憑藉遂有復修土城之議十二年春軍警執法處長常公以辦理清鄉事宜來縣與縣令馬公及地方紳商計議擬用烟賭罰款作爲修城費用遂於是年春季動工至秋告成大勢形方南北最長約五百五十一丈東西最寬約四百一十丈面積約六方里又三萬一千五百一十方丈共闢大小便門八曰綏和門即大西門曰阜安門即大東門曰振武門即大北門偏西曰小北門曰宣化門即大南門偏右曰小南門偏左曰南便門民國十九年以自城內至東豐車站行旅不便復於城之東南隅南便門之東新闢一門曰新開門

以直通車站焉計新土城牆高兩丈許厚一丈池深闊如之各門建築均用磚石除南便門外餘門各置公安分所司邏守盤詰焉民國十七年七月因時局多事夏防堪虞乃由公安局派兵督率所拘游民重修其頽廢處視前益臻完固焉

鎮市

縣境地豁山複人烟稀闊墾田農戶各就其所有田地築廬而居星羅棋布不成村落間有比鄰聚處者率不過十數家多則數十家而已自設警甲各分所於鄉間農民苦盜賊之充斥而勢孤守望難以相助於是小康之家多遷居警甲各所附近比屋結鄰漸成村落生齒日繁商賈迺興遂隱然而成鎮市然人民交易隨時可爲昔所謂尅期而集日中爲市者其風至今已息茲將縣境各鎮市分述如左

縣城中牛馬柴草各行市向無定所隨處皆可交易近來辦理市政遂劃定小南門裏及大

東門裏爲柴草市東大什字街及舊南門外爲魚菜市財神廟後爲營業市場然多不能遵行隨處攤賣者比比也此誠講求市政所宜注意者

沙河鎮 屬縣境第九區在縣城北九十里倚水阻山爲通吉林省磐石伊通兩縣之孔道也公安第九區分局第九區公所以及學校郵局商會皆設於鎮街焉有南北大街一長約二里許大小商舖約百餘家中貿易頗爲興盛其資本雄厚者每年售貨進款與縣城各大商舖相埒縣境最繁盛之鎮市也蓋該鎮處遼寧吉林兩省之邊鄙距縣城西安及磐石等地稍遠之人民其交易咸集於此故其繁盛幾與縣城相埒也

太平鎮 即黃泥河下集廠子屬縣境第八區在城東北六十里公安學校郵稅各所皆設置焉有東西大街一大小商舖約六十餘家貿易狀況不甚繁盛

永興鎮 及黃泥河上集廠子屬第八區在縣城北六十里東西大街一商舖約四十餘家

民國初年貿易尙盛自十一年冬爲仁義軍匪兩次掠據商務頓形凋敝矣

猴石鎮 屬第六區之拉拉河鄉在縣城西四十五里俛水倚山頗擅形勝爲通西豐之要衝北山之巔有石挺立厥形如猴故名東西大街一長三里許大小商舖七十餘家貿易尙盛當瀋海鐵路未成時東流各縣之農產率經此而輸往孫家台每屆冬季車馬絡繹今則頓形稀少矣

大興鎮 屬七區繞盈河境在縣城西北三十五里爲通西安孔道商舖三十餘家不甚繁盛近梅西支路之大興鎮車站即設於此將來交通便利商賈雲集未可量也

楊木林鎮 屬第六區在縣城西七十五里有上下兩集廠相去三里許下集廠不甚繁盛上集廠則商賈駢集約八十餘家設公安郵稅各所及縣立第二初中第三小學均在焉鎮西南十許里爲新開嶺西北十許里爲小嶺（俗稱熱鬧街）皆分水嶺之幹脈爲入西流之

要道焉

四平街鎮 屬第五區在縣城西南九十里商舖約六十餘家設公安郵稅各所縣立農科職業學校在焉街有趙姓者以養鹿爲業所產鹿茸及參茸丸徧銷於東省各地焉
此外如六區之二龍山四區之大陽歲五區之胡仙堂一面山十區之那丹伯等處雖商民繁聚蔚成鎮市但其他勢之形勝商賈之貿易遠不如以上所述各鎮故從略焉

道路

附橋梁

縣境未設治前爲有清之圍場封禁旣嚴行旅絕尠故無驛站之設及設治後墾民遷入道路始通然當時交通非第鐵路未興即航渡之便因無大川亦付闕如所恃以往來者惟險阻之陸路而已自民國十一年施行區村制以來徵募民夫修道種樹於是縣道區道村道皆坦蕩可觀往來稱便今則瀋海鐵路之梅西支綫告成交通益臻便捷茲將縣境重要陸

路分述於後他如區村各路隨地交錯不及詳載至若鐵路另篇記載橋梁無多略志篇末焉

通海龍縣陸路 出縣城大東門行五里許至黑瞎子岡又七里至石橋子（俗稱橫道子）又十里至太平溝又東行十里至樓脖子岡岡爲縣境與海龍分界處過此則入海龍縣境計至海龍縣城共六十里

通西豐縣陸路 出縣城大西門行十五里至朱家店又三十里至猴石鎮又西行十五里至二龍山又十五里至楊木林下集廠折向西北行十餘里至小嶺（即分水嶺亦名熱鬧街）爲縣境與西安分界處過此則入西安縣境 又由楊木林下集廠折向西南行三里許至楊木林上集廠又西南行十里至新開嶺過嶺則入西豐縣境計至西豐縣城共百八

十里

通吉林伊通縣陸路

出縣城大北門行十里至黑瞎子岡北行七里至大柳河公安

分所又北行五里至二龍山又十里至雙廟子又北行二十里至太平鎮（即黃泥河下集廠子）又北行三十里至沙河鎮折向西北經三座老爺廟（即寒葱頂子）行六十里至那丹伯北行二十里至葦子溝公安分所北行里餘即屬吉林伊通縣界葦子溝去伊通縣城僅三十里耳 又出縣城小北門北行五里至石廠折向西北行逾縣城後座山又二十里至呂家大房北逾石頭廟岡約三十里至永興鎮（即黃泥河上集廠子）又北行三十里至沙河鎮又北行經那丹伯葦子溝入吉林伊通縣界計至伊通縣城共二百里

通西安縣陸路 出縣城小北門行二里許至娘娘廟折向西北行約十三里至三盛堡又

十五里至繞盈河公安分所又西北行五里至大興鎮又西北行五里至鋼叉廟嶺過嶺則

入西安縣界今瀋海鐵路之梅西支路即沿此路而達西安焉計程共九十里

通山城鎮陸路 出縣城大南門或南便門行二里許渡沙河經南照山東麓南行十里至小城子公安分所又南行十里至高榆樹溝逾白石砬子行二十里至大陽歲又南行二十五里經老耶嶺又三十里乃至山城鎮計程共九十里

附橋梁

西大橋 在縣城大西門外橫渡繞盈河之橋也建於民國初年材料用青石及洋灰需款由商會預墊設卡徵捐今撤惟近年漸見頹壞民國二十年春經王縣長召開區長會議議決責成第一區區長劉國章重行補修共需款八百餘元由一區各村均攤焉

石橋子 在縣城東十二里黑瞎子岡東麓在七區大柳河境橫渡大柳河之橋也建於民國六年材料木石款由大柳河民戶公攤今尙完好云

沙河板橋 有三處一在小南門外西南渡沙河赴西南各鄉之通路也夏季水漲則有舳

板以渡行旅一在小南門外正南赴南山公園之路也然係木板冬季結冰則撤春夏則設置焉一在大南門外正南渡沙河赴山城鎮之要衝也此路行旅最多而夏季河漲則橋即沒行旅頗感不便應建石橋庶能一勞永逸也

沙河木橋 在二區沙河口境梅西支路最大之橋梁也但建築材料純用木材洋灰每遇水漲輒虞傾圮近聞該路計劃將改建鐵橋焉

勝 蹟 附公園

縣設治較晚既鮮名山復乏大水以言名勝古蹟殆難舉其一二且在昔圍場時封禁綦嚴爲草木鳥獸之淵藪無騷人墨客之遊觀求其點染江山題勒金石之作概未前聞以視內地先進各縣不能無遜色也

古城舊墓境內猶有存者然皆爲清初明末之所留遺碎瓦頽隍無足寓目推在有清圍場

時代在縣境周遭曾設邊台十二爲戍卒守護圍場之所今已泰半湮沒唯那丹伯台梅河台尙存遺址供人憑弔餘則并其名稱地址亦無人能稱說指點者矣

農民耕耘每於斷塍荒壠間拾得舊錢廢鏃者然非明清以前物不過清初輝發葉赫各部民逐牧遊獵時所遺殊無賞鑑稽攷之價值也惟縣屬黃泥河境曾發見古銅器其形如鐸上鐫韓州司獄監製乃金時故物今不知流失何處矣

年來春秋佳日學校生徒每有旅行之舉然地點不過南照山青龍山而已南照山在縣城南郭外沙河之陽其上公園及苗圃在焉昔爲官山今歸私人所有青龍山在縣城東南五里許爲曲姓私產山雖不險峻然其上草木蒼蔚望之葱葱然鬱鬱然春花秋葉足供眺賞所謂會心處不在遠翳然水木自有濠濮間想覺鳥獸禽魚自來親人也八景中之龍山紅葉卽其處矣

附公園

公園在南照山陰縣立苗圃內規模殊隘中有閣曰東華峰有亭曰挹爽建於民國六年倡自邑令湯公文煥歷年既多漸就頽廢前令馬公會擬募款增修旋調任他往未果實行近則山歸私有不能擴充益以風雨之剝蝕人畜之摧殘勢將夷成平地鞠爲茂草矣

近年邑紳杜公象辰作有東豐八景詩七律八首一曰龍山紅葉（城東南五里青龍山）二曰熊岡斜陽（在城東八里俗名黑瞎子岡）三曰沙河晚渡（南郭外沙河清溪一泓綠楊兩岸佳日遊眺良足賞心）四曰石廠晴烟（在北郭外五里產石石質堅硬縣中建築率取材於此）五曰西崖積雪（城西五里許縣城西抱山也山上爲義塚東麓爲農事試驗場地）六曰南圃方亭（即南照山公園之挹爽亭也）七曰柳灣垂釣（在南山東麓沙河由此折向南流弱柳千章波澄魚躍夏日避暑佳地也）八曰水月鳴鐘（水月宮即俗稱娘娘廟也）

在北郭外二里許

附東豐八景詩

龍山紅葉

誰洒霜華染綠叢
楓林隔夜盡成紅
催殘碧草迷秋雨
斷送白雲悵晚風
鳥路晴暉山上下
人家烟火澗西東
青龍高臥臨溪水
一任漁樵醉此中

熊岡斜陽

山勢嶙峋愛晚晴
夕陽斜對影空明
環林紅葉偏生色
出岫白雲別有情
熊鹿當年高臥地
牛羊薄暮滿歸程
依稀樵路迷秋草
猶送殘暉遠入城

沙河晚渡

環城一曲水迢迢
來往何人架板橋
兩岸綠楊留夕照
半灘紅蓼漲秋潮
臨流失影鷗翻浪

競渡聲喧客扣橈惟有漁郎偏喜靜晚歸醉月待中宵

石廠晴烟

石廠原非近市塵偏於晴日靄生烟凸凹蟠磴疑無路濃淡攙雲別有天
雨後晴光明峭壁風中幻影罩平田每當薄暮人歸去猶襯斜陽挂樹巔

西崖積雪

繞郭西山半壁橫浮光入望雪盈盈風前未許纖塵到日下偏宜爽氣生
晴映間雲低失影寒埋落葉靜無聲絕憐衰草迷荒塚空對斜陽一片明

南圃方亭

留戀山涯更水涯尋芳到處認春華亭園生色偏宜酒風月多情半在花
入畫烟霞林一角成蹊桃李路三叉陰晴俱趁遊人意杖履聲中興愈賒

柳灣垂釣

石磯不厭碧苔侵
準備蓑衣坐綠陰
楊柳夕陽雙岸曲
蘆花秋水半篙深
垂綸欲醉消寒酒
倚樹閒聽對話禽
爲愛溪陰無俗氣
旁觀似有羨魚心

水月鳴鐘

閒來北郭覓仙蹤
遠隔烟霞但聽鐘
寂寞楓林紅葉落
蕭森桂院白雲封
應霜不覺塵心淨
入夜偏驚客夢慵
月暗聲殘山水外
更聞野鶴唳孤松

物產

縣境地豁土腴生物蕃息在昔園塲時居民旣鮮穀菽不生惟長林豐草猛獸野禽繁殖其中而已自設治來人烟繁多禽獸遠避有是臚臚原隰徧藝穀菽生生之資於以云備綜計全境每年農產數量視彼先進各縣駸駸然有駕而上之之勢據近人調查東流各縣年產

梁穀足敷全省期歲之需是縣境爲農產之隩域從可知矣倘從政者不違農時提倡改良辨土宜而播百穀設新法以利三農則取多用宏戶饒家足躋國家於富強之域可操券也茲將縣境所產動植工藝各物品據調查所及者一一筆之於篇用俟夫攷方物觀民風者有所資焉

植 物

穀 類

高粱 即蜀黍以其種來自蜀地故也又以色紅故又稱紅粱春爲米俗名秫米爲居民大宗食料不舂入麩可釀爲酒俗名老白甘高粱燒即古之燒春也莖高八九尺俗名秫結可作燃料剝其皮可織蓆作笠 一種有黏性者俗名黏高粱又一種穗長而散生者俗名笞帚糜子然以上兩種產甚少惟紅高粱爲最多年中產量與大豆相埒

包米 即玉蜀黍縣境所產有黃白兩種粒密成行裹以巨苞故稱包米嫩時可煮食舂爲米俗名包米查子磨爲粉可製餅餌土人率以此爲食料莖高五六尺可作燃料年中產量較次於高粱及大豆焉按包米成熟較高粱大豆爲早且不畏霜邊地苦寒酷霜早降他穀或被霜災而包米則歲無不稔故農人多樂種之且其米亦較秠米香滑即古所稱玉米珍珠米也

穀子 即粟也縣境所產實有黃白各種而黃者尤多舂爲米俗名小米土人多用以爲食料與秠米包米並爲大宗莖曰穀草可葺廬及飼牲畜

糜子 即黍也粒較粟圓且大舂爲米俗名大黃米性黏磨爲粉可製糕餌俗稱切糕是也入麩可釀爲酒俗名黃酒又稱元酒

紅黏穀 即稷也舂爲米俗名小黃米有黏性亦可製糕釀酒功用與大黃米同

西黏穀 粒圓長較黍爲大可製飴糖及代芝蔴作香料多植園圃中產量甚少

小麥 縣產皆春種而秋稔者實可磨爲麩粉俗名本地麩較袋麩色微黑近年袋麩充斥此麩已絕跡故年中產麥量數視昔稍減

大麥 實似小麥略大四五月熟可製飴糖及酒麩產量較小麥少

蕎麥 實黑作三稜形可磨爲麩俗名蕎麵伏中播種而秋稔百穀中播種之最晚者產量較多於大小麥

粳子 即秔也稻之不黏者宜種於陸春爲米俗名粳米爲土人珍貴之食料

稻子 宜種於水米曰稻米又稱大米縣境從前無種之者近年韓僑多在境內河旁種植之收穫之量倍於陸秔故土人多效種之據安豐水利局近年調查縣境水田約有三千七百餘畝所征水田稅金十一年度僅百餘元至十六年度竟達三千餘元亦可想見其進步

矣

稗子 種類甚多春爲米俗名稗子米莖名稗草可葺廬及飼牲畜

蘇子 縣產實有赤白兩種可榨爲油俗名蘇油產量甚少多於田間隙處補植之

芝麻 即胡麻又名脂麻可榨油俗名香油其粕可作肥料

大麻 即菘麻可榨油

線麻 即火麻實可榨油莖高五六尺外有韌皮漚而剝之可製繩索縣境從前產甚多與

菸並爲圍裏大宗農產

縑麻 縑讀如青實可榨油莖高四五尺有韌皮漚而剝之亦可製繩索但不及線麻柔韌

耳

菽類

大豆 實有黃白青黑各色青者俗名大粒青黑者俗名合豆可飼畜及作藥縣產多黃白兩種而黃者尤多故俗稱黃豆焉可榨油俗名豆油粕曰豆餅又可製腐及醬年中產量較高梁爲尤多我東省之特產也所出豆油豆餅行銷於世界近來美國亦用新法種植品質反較我爲良我國在歐特產獨佔之地位遂爲所奪此我不可不急求改良者也

小豆 實有赤白兩種漚而磨之可製乾粉條又可爲飯豆餛豆之用又一種其實赤白斑駁俗名花臉小豆

綠豆 實色綠較小豆爲小磨爲粉可製爲糕俗稱綠豆糝是也

豇豆 即豇蠮也莢細長約一二尺許皆雙生下垂實扁小嫩時可食俗名長豆

豌豆 春種夏初熟一莢數粒嫩時可煮食

蠶豆 有早蠶豆晚蠶豆之別莢嫩時可爲蔬晚者風味尤佳實大而扁粒有赤白黑紫各

色一種粒圓有紋俗名花雀蛋豆可攪飯煮食之

粳米豆 莖葉如大豆實色白較大豆爲大可入粳米煮食之從前產甚多近年漸少

蔬 類

白菜 即菘也縣境春秋皆產之秋產者味尤美漬爲淹菜俗名酸菜家家必備之蔬也窖藏之至冬如新 一種葉層裏如球狀俗名疙疸白味與白菜同其別種也

韭 俗名韭菜春初生者味最美入夏則莖老味辛秋開白花擷而和鹽磨之俗名韭菜花醬 一種葉肥大與尋常之韭不同即古薤露之薤也

葱 四時皆有之土人大宗菜蔬也冬種春生者俗名羊角葱白露節後種者俗名白露葱味辛葷爲蔬肴調味佳品

蒜 有白皮紫皮兩種紫皮者味尤辛臭編之爲瓣至冬而味不變

芹 生園圃中俗名芹菜可植熟食之

菠菜 即菠稜菜也春秋皆產之可窖藏至冬日

香菜 即芫荽也土人多生食之可作蔬肴調味之品

生菜 即萵苣也色白而綠葉可生食

茼蒿 產園圃中生熟皆可食

茴香 即蒔蘿也味辛臭可生食

蘿蔔 亦名萊菔形圓色紅可窖藏至冬日一種形長色綠者俗名青頭蘿蔔

芥菜 根作球狀可淹食俗名芥菜痘疙又稱芋芥疙疸

土豆 即馬鈴薯地下莖作球狀縣產有黃白紅各種爲土人大宗食蔬漚而磨爲粉可製

乾粉條較小豆製者味尤佳縣產甚多率運銷於潘南各縣

茄子 有紫白兩種形圓而長春植秋初熟爲園蔬之最美者

辣椒 又名秦椒形長而尖者俗名羊角椒形方而大者俗名柿子椒味辛甚及熟則色殷

紅

水蘿蔔 有紅白兩種形長而圓生熟皆可食

胡蘿蔔 又名紅蘿蔔形似水蘿蔔而色赤秋末掘其根生熟均可食

山藥 產園圃中蔓生地下莖入土二三尺長尺許可糖漬食之

黃花菜 即小萱草生田野間夏開黃花採其花晒乾之可炒食俗名黃花菜

苦蕒菜 初春野生可生食即茶也俗名曲馬菜或名苦馬菜皆苦蕒之轉音也

寒葱 縣之特產也生於九區小寒葱頂子山上四時皆有經雪彌茂故名寒葱形較家

葱爲大味辛辣相傳用該山西麓燈杆河水洗滌之久藏不枯易以他水則不崇朝即萎矣

蓋其氣有獨稟者

瓜類

黃瓜 又名王瓜蔓生形長色綠夏季最盛生熟皆可食爲夏日大宗園蔬

西瓜 其種來自西域故名形圓色翠瓤有紅黃白各種味甘多汁近有一種名洋西瓜者形圓略長瓤淡紅色味尤甘美夏日消渴之上品也

甜瓜 俗名香瓜種類甚多形色不一有圓形者有橢圓形者有綠色者有黃色者夏末秋初乃熟味甘多汁縣產有芝蔴粒喇嘛黃兩種者味甘美

打瓜 形如西瓜瓤有紅黃白各色味甘美但遜於西瓜焉子特大熟則剖取之拌油炒之俗稱瓜子味香美

倭瓜 即南瓜形圓色綠熟則色黃褐可煮食

玉瓜 形長而圓色碧綠嫩時可爲蔬

攪瓜 又名攪絲瓜形似玉瓜瓢有細絲可鹽漬食之

壺廬 卽瓠也種類頗多形色各殊有形小而扁者有細腰者嫩時可爲蔬熟則剖去其瓢可作器用一種形長而曲者俗名瓠子長可二三尺嫩時可食味苦澀

菓類

梨 縣產形小核大味酸澀多滓俗名山梨他種則無蓋土不宜也

桃 縣境二區小城子產特多實小核大味酸秋深乃成熟

季 園圃中時有之實小味甘酸

櫻 俗名櫻桃縣境仙人堂山中產最多有紅白兩種紅者尤多味甘酸多漿夏初始成熟

核桃 卽胡桃也縣境從前產甚多近漸少據土人云其根葉入水則水澀硬人飲之則身

軀矮小骨節粗大云

山葡萄 縣境沙河鎮山中產最多粒較家葡萄圓小經霜則色紫黑甘酸可食

山定子 即棠也粒圓而小成穗狀熟則色紅紫味酸澀多生山中

山裏紅 粒較山楂爲小色紅味酸

木 類

柳 縣產甚多葉細長似桃葉略尖生河涓者枝幹低小盤曲交錯不成材用率爲燃料生山谷者柯幹多高大

楊 有家楊山楊兩種皮有青有白生長極速幹長而直可作材用

榆 種類不一枝幹高大結實如錢俗名榆錢可食一種枝小多葉者俗名小葉榆

柞 種類殊多木質堅實可作器用一種名櫟者俗名櫟子樹形圓裹以殼斗可染皂及飼

畜一種名械者俗名勃勃葉樹葉肥大土人取葉裹麪蒸食之名勃勃葉餅凡柞葉皆可飼蠶謂之柞蠶縣境業此者頗多繅絲織紬俗名繭紬

樺 縣產甚多皮有花紋作紫黑色節處結苞枝幹高大可作建築材料

椴 葉大皮黑紋細微赤者爲紫椴質白者爲糠椴可製箱櫃皮可作火繩

楸 又名角楸似核桃樹木質堅實可作器用

煖木 即黃蘗也木質堅緻異常細者可作鞭杆皮有縐甚軟煖故俗稱煖木

茶條 質堅可爲杖初秋採其葉晒乾之可染青黑俗名山茶條

老鸛眼 即鼠李也木有花紋且堅緻可作杖子色赤黑有如鸛眼故名

花 類

鳳仙花 俗名指甲草莖有紅白二色於葉間出小莖開多數小花一種短莖花開頂端者

俗名佛頂珠擷花搗碎敷指甲上經夜甲盡紅故名指甲草云

江西臘 菊之一種也種來自江西故名花有單瓣雙瓣之分形有筒狀針狀之別種類甚多顏色不一

雞冠花 有紅白各種花狀如雞冠

牽牛花 蔓生花狀如筒俗名喇叭花子曰黑白丑入藥

向日葵 莖高丈許花黃多瓣狀如盤開恆向日故俗名向日葵子可染黑

草茉莉 俗名胭粉豆花有黃白紫各色子皮黑內白可製香粉

石竹花 枝如竹葉對生夏季花開莖端有紅白紫各色子入藥曰瞿麥

菊 花 四時皆有之秋菊尤盛花多黃色故稱黃花狀不一有如爪者有如針者性耐寒

經霜不凋

蓼花 花穗生色紅多生溝渠旁俗名狗尾吊花

西番蓮 又名天竺牡丹俗稱東洋菊莖高數尺花有紅黃各色秋深花始盛開

月季花 種類甚多似薔薇逐月開花即十姊妹花也

步步高 花形圓有紅黃白紫各色逐節開花故又名節節高

山刺玫 似玫瑰生山中莖有刺花紅味香

山丹花 似百合而小葉狹長而尖生山中擷其花晒乾之俗名紅花菜

波斯菊 花圓多瓣有黃紅紫各色秋深彌茂俗名金錢菊

百合花 俗名捲丹花花六出四垂較山丹大根如鱗片合抱爲球狀即百合也入藥亦可

爲蔬

繡球花 花繁碎叢生如球有淡紅淺紫各色

藍雀花 花色藍狀如小雀張兩翼夏日徧生田野間

金絲荷 俗名金絲荷葉似荷而小花色金紅多植盆中

曼陀羅 似牽牛俗名爬山虎花狀如筒蔓善緣附宜植於牆籬間

草 類

菸 縣產甚多與線麻並爲出產大宗秋採其葉曬乾之俗名黃菸性能禦寒土人多嗜吸之

藍 即靛青也春種夏刈漚池中入石灰攪之即成靛青可以染青黑縣境從前產甚多自外洋靛油輸入種者漸少

蒲 俗名香蒲即菖蒲也莖高三四尺生池沼中

艾 俗名艾蒿可用以灸病故又名灸草有兩種葉肥者曰艾蒿葉長者曰水蒿

葦 俗名葦蘆生河渠池沼中莖高四五尺柔韌可製蓆簾

羊草 徧生田野間葉細高尺許可飼牲畜

藺 俗名馬藺花色藍葉細長尺許柔韌可以束物根可製刷入藥曰蠶質菜圃中多植之
韃鞨草 縣境隨地皆生之莖細高一二尺曬乾搥碎之墊韃鞨中可以暖足俗稱與人參
貂皮並爲關東三寶其實並不珍貴以其利用耳

水稗 池塘溝洫中不種自生土人刈取以飼牲畜

水葱 生池沼中莖高四五尺土人取以製扇

章茅 俗名小葉草用以苫屋經久不朽故俗稱苫房草焉

茨 蔓布地面生細葉子三角形有刺

蘋 浮生水面四葉相合中折十字陸生者名青蘋

藻 生水中俗名青苔多附着於水中石上

藥 類

車前子 俗名車咕嚕菜即芣苢也生道周葉如輪結子曰車前性寒無毒

益母草 莖高四五尺葉三裂或五裂夏開花色淡紫熬爲膏俗名益母膏產婦服之有益

縣產者特良

茴香 即蒔蘿也實色褐辛溫無毒

萊菔子 即蘿蔔菜子也

大小薊 俗名槍頭菜葉有大小兩種大曰大薊小曰小薊多刺花色青紫

蒲公英 花有黃白二色葉斷之有白汁徧地皆生性甘平無毒

蒺藜 葉細子三角形有刺

細辛 花色紫根有鬚味辛香多生山中

白頭翁 俗名貓姑朶花花落生白鬚根可治小兒疳症

百合 捲丹花根也球狀有瓣亦可爲蔬

牽牛 牽牛花子也亦名黑丑白丑

茵陳 俗名萬年蒿芽因宿根而生故名

木賊 俗名錯草

瞿麥 石竹花子也

菖蒲 香蒲之根

枸杞 又名地骨皮

土大黃 羊蹄葉之根也

莖麻子 俗名大麻子

黃芩 生山中有條芩枯芩兩種味苦性寒無毒

地丁 俗名箭頭草花色紫葉似柳而細

動物

禽類

雞 有雌雄兩種雄者羽翰美麗能伺晨雌者能孵雛能產卵農家皆畜之

鴨 嘴扁平足有蹼兩翼甚小能游泳水中產卵不擇地

鶩 似雁而大身白頸長尾翼皆短不善飛能游水中產卵較雞鴨大

鴿 俗名鷓鴣有野鴿家鴿兩種野鴿體色黑家鴿有灰白各色

鳩 即斑鳩鳴則天雨

烏 俗名烏鴉體色黑善啼能反哺

燕 古稱玄鳥春來秋去皆以社日故又名候鳥喜雙飛翔迴敏捷

鵲 俗名喜鵲背黑腹白尾長嘴尖土人謂鳴則人將有喜事故又名靈鳥

雀 俗名家雀一名瓦雀棲身檐隙一種大而有斑者名麻雀

鳧 俗名野鴨子棲息湖澤中肉美可食

雉 俗名野雞有雌雄兩種雄者羽毛美麗雌者體較小肉味良美縣境山中皆產之冬日

尤多居人常用作歲時餽贈品焉

布穀 即鴈鳩屆穀雨則鳴農人以爲播種之候又名郭公象其鳴聲也

啄木鳥 嘴尖而銳如鉤能採取樹中蟲食之

蘇雀 頂有紅毛喜食蘇子又名千里紅

鷓鴣 即隼俗名老鷓子翼健善飛能攫食雞雛

沙鳥 似瓦雀而色灰白足長善跳喜在水邊

獸類

馬 六畜之一農家皆畜之用以耕田及挽車然本地產甚少率皆購自蒙古隣近各縣也

牛 六畜之一反芻獸也田家多畜之耕田挽車殊不及馬之敏速故參者視馬較少

騾 驢馬相交而生者不能孳乳似馬而耳略長用與馬埒騾又作羸

驢 體較馬騾爲小耳與頰特長田家多畜之供雜役之用

犬 種類殊多人多參之以守夜其軀小毛長而蜷曲者俗呼爲哈巴狗

羊 有山羊綿羊兩種綿羊毛長而蜷曲牝無角牡有小角一對捩折如螺旋形山羊毛短

色多白角向後彎曲皮可製裘毛可織呢絨縣中回民多參之肉味肥鮮

豕 俗呼爲豬體色黑肉味濃美家家畜之以供食品

貓 一名狸奴跳走矯捷能捕鼠人喜畜之

狐 縣境近年產甚少有火狐沙狐草狐之分形似犬而尾長皮可製裘

兔 產山中者爲野兔家畜者爲家兔俗名爲跳以其善躍也肉可食皮可製裘

狼 似犬而大喜食肉獸之最兇猛者皮可爲褥

鹿 縣初設治時產最多近年殆將絕跡惟四平街有趙姓者世以豢鹿爲業所豢不下四

五百隻所產鹿茸行銷內地

鼠 穴居於室廬內喜嚙物能傳染百斯篤物之最無用而有害者

松鼠 俗名花鼠身有斑紋緣走敏速一種較小者名香鼠能作各種戲具

鼯 俗名黃鼠郎亦名鼯鼠皮可製帽尾長有毫穎可製筆

蝟 俗名刺蝟，體生勁刺，足尾短甚。遇人則縮形如栗殼，生於陰濕之地，皮可爲藥。

鱗介類

鯉 縣產無大者，肉味良，美魚中佳品也。

鯽 一名鮒，似鯉而扁小，背隆起，肉多刺，味遜於鯉。

鮎 即鱧，體圓無鱗，河生者色青白，湖沼生者色黑黃。

鮠 俗名槐子，似鮎而大，色黃無鱗。

鱮 體狹長如柳葉，鱗白而細，俗名浮漂子。

鱖 俗名泥鰍，無鱗，居污泥中，大者長尺許。

白魚 鱗細，色白，味良，佳。縣境沙河中產甚多。

蛤 俗名吳蛤，螻生河底泥中，外有堅殼，肉亦可食。

螭蛄 有螯如蟹長一二寸體有節能屈曲縣境諸河不生蟹而螭蛄肉味與蟹無殊

蝦蟆 生河池中幼蟲曰蝌蚪善鳴一種體小而青者鳴聲清越俗名青拐子一種形細長秋深則體色紅俗名哈什馬可食

蛇 體長而圓行捷速俗名長蟲口有毒齒

蜥蜴 俗名馬蛇子色黃褐生田野間

昆蟲類

蜂 種類甚多有土蜂馬蜂蜜蜂數種蜜蜂能採花釀蜜馬蜂有螫能螫人土蜂一名蜾蠃負蟲爲子即螟蛉也蜂有王雌者爲之

蝶 俗名蝴蝶又名蛺蝶種類甚多有粉蝶黃蝶紅蝶鳳蝶各種形色不一

蟋蟀 一名促織又名蛩體色黑善跳好鬥秋日則鳴翅能振動作聲

螳螂 俗名刀螂首銳而頸弱秋則乳子作房附著於枝柯上名曰螳蛸

蚱蜢 俗名馬蚱翅股皆長不鳴能飛

蝗 即阜螽也長脚修股能飛善躍一種飛而有聲者俗名沙蟲在南方爲田禾害

螻蛄 俗名螻蛄腹色青秋日以翅鳴聲清越可聽小兒喜玩之

蜻蜓 俗名螞蛉六足四翅複目甚巨喜貼水飛

蚊 喙長而銳能啣人膚產卵水中幼蟲曰孑孓一種足特長能傳染瘧疾

蠓 俗名蠓蟲形小天將雨則羣飛空中

蠅 俗名蒼蠅喜逐臭穢最爲傳染時疫之媒介一種形大色綠俗名綠豆蠅尤污穢

虻 俗名瞎虻似蠅而大喙銳利嗜人膚紅腫

螻蛄 生竈壁間俗呼老螻能嗜人膚

瓢蟲

俗名黃小又名小放牛色黃背有殼翅藏殼內天旱彌多

螞蟻

體色黑羣居好鬥種類甚多有工蟻雄蟻之別雌蟻爲王

蜘蛛

多足體有節大者長三四寸似蜈蚣而小

蜘蛛

俗名癩癩蛛結網檐角捕蚊蠅食之

馬蟻

俗名錢串子多足對生

蟻螂

俗名屎客螂背有殼色黑轉糞爲丸

蚯蚓

生土壤中長者數寸俗名曲蟮頸有白紋者入藥

蛭

生污水中能吮人血俗名馬蜚

蟻

似蠶而細小生枝葉間行則促其腰使首尾相就俗名量天尺即尺蠖也

蚤形小而色黑善跳能啣人膚

蝨 生人畜之體嗜膚作癢

蟣 蝨之幼蟲也

蟬 書中蟲也一名蠹魚

蠹 生禾心及木中害蟲也

牙蟲 生禾心及枝葉間爲禾稼害俗名蜜蟲遇旱彌多

工藝品類

棉布 土人稱大尺布縣城內機坊三十餘家專織大布除銷本地外亦有運銷於他縣者
惟所用原料之棉線率皆購自日本近來金貴銀賤始改用本國棉線

靛青 歐戰時外洋靛油不能入口所有染青染黑各色原料皆用藍靛於是縣境農人競
行種藍製靛爲一時出產大宗自歐戰平息以來靛油復充斥今已無種之者

毛毯 用牛羊等毛搓線織成俗名牛毛毯縣城內業此者十餘家品粗劣不能銷遠

黃菸 採菸葉製爲黃菸與線麻並爲縣境出產大宗率運銷於遼瀋以南各縣

線麻 爲縣境大宗出縣他縣咸取給焉製爲繩索運銷各地

燒酒 用高粱釀成之俗名老白甘味醇易醉縣境燒鍋十餘處產酒甚夥多運銷於海龍

柳河清原各縣

豆油 大豆爲縣特產故產豆油甚多運銷他處與燒酒埒然皆用舊法榨油產量有限其用機器新法者僅有一處云

豆粕 榨油所餘之糟粕也俗名豆餅與豆油一併出口焉

粉條 用馬鈴薯製成之俗名乾粉條較小豆製者尤佳農家率以此爲副業爲近年出產之大宗

毛頭紙 用繩頭紙屑製成之俗名窗戶紙縣產足供給本地之需

筐 縣境山中皆生筍條爲製筐篋之原料城內筐舖數家出品足供本地之需

以上各種工藝製造品雖出品不精銷行不遠難以與舶來品相競然視設治之初物物仰給於他處者良有間矣倘能因勢利導講求改良俾出產多而銷行廣亦未始非挽回利權振興工業之一道也至若縣境各種礦產至今尙未發見惟五區四平街之梨樹溝有煤礦一處曾於有清光緒三十二年開採旋因礦苗不旺停辦餘則七區繞盈河之石灰窰子產石灰縣城北郭外之石廠產石縣中建築咸取材焉豈寶藏出世自有時歟要亦關乎人力而已